



左傳蒙求

坤

三拾四
左傳
四冊

□ 12
3014
2止



12
3014
2



捷中楯瓦_一 椒及鼓跗_一 簡子伏弢_一 張侯援枹_一

靈右伯輿_二 匡叛孫蘇_二 越使罪人_二 吳用囚徒_二

僖耻縣胄_二 吳憾取屨_二 東郭督憤_三 卻至跗注_三

何對牢禮_三 仲答羽數_三 六卿命服_四 三帥先路_四

趙且視蔭_四 駟不俟河_四 董蒲勝既_四 宋兕尚多_四

士魴易秦_五 屈瑕小羅_五 起視旗彊_五 服相穀難_五

穆子名仇_六 惠男曰圉_六 董狐罪盾_六 齊史書杼_六

叛名齊豹_六 盜書陽虎_六 忽無大援_七 桓有內主_七

成季名友_七 唐叔曰虞_七 齊罪鮑牽_八 鄭治強鉏_八

秦師小芮_八 魯眾卑邾_八 趙鞅作器_八 子產鑄書_八

文伯對日九 申豐論電九 武子求禮九 孟僖講學九

趙珠一簞十 晉玉五穀十 圍犖蓋門十 子之援楠十

吳歸景伯十 狄舍史龍十 楚尹城郢十 梁伯溝宮十

札見南籥十 曠歌北風十 圍殺為掩十 卻害伯宗十

穆伯爭娶十 子皙強聘十 癸惡識宗十 崔不辨姓十

秦伯增德十 隨侯脩政十 揚干亂行十 宋公違命十

萬輦乘車十 虎載葱靈十 三子戍鄭十 二禮仕邢十

元請交贄十 戌欲弭兵十 秦師無禮十 楚政有經十

圍却野賜十 弓辭郊勞十 慶鄭去濇十 欒鍼掀淖十

晉庇衛賊十 魯賞邾盜十 伯魯不學十 叔段失教十

秦朱當御十 鄭黑辭行十 岡山用隱十 次睢執郟十

周却請隧十 衛許假纓十 鄭未可間十 晉難與爭十

羔不踐難十 嬰焉得死十 閔速莊禘十 文躋僖祀十

胥攻大族十 為去富子十 子良獨憂十 伍員不喜十

羅稱姻婭十 克冒婦人十 臯比犯宋十 虎皮奔陳十

石言于晉十 神降於莘十 臧惡無禮十 蔑嫉不仁十

虞祀豐潔十 隨牲肥腍十 昭執伍奢十 懷殺狐突十

子西卵翼十 申叔肉骨十 宋文蜃炭十 敬嬴葛弟十

滕薛爭長十 晉楚相先十 晉厲踊地十 衛人叫天十

宋魯斷肱十 由于中肩十 遷桃取成十 與州易原十

楚靈不暝^五荀偃猶視^五子期盟心^六孟任割臂^六

儀歎如棋^六悼言異器^六圭媯亞宋^六杜祁次季^六

奄噫臧堅^七優盟拳彌^七齊遜孟速^七札避子期^七

齊使諸姜^七楚取二姬^七豹誦相鼠^八封昧茅鷄^八

狐庸通路^八荀息假道^八獻子戴首^八晉侯盥腦^八

鄭早斬木^八魯火去橐^八無忌遜立^九崔成請老^九

公怒龜鼎^九斟憾羊羹^九遺室孔姑^九文妾懷羸^九

楚武已蕩^九吳王易盈^九宋欲役薛^九魯請屬鄆^九

齊侯侵蔡^九莒人入向^九趙鞅自伐^九范匄能讓^九

僑幕九張^九虎幣百兩^九定合昭墓^九隱改惠葬^九

衛命子輒^十晉立州蒲^十魯無梁矣^十蕭有麴乎^十

齊營班馬^十楚幕有烏^十求酒諧僖^十乞肉怨邾^十

齊莊賜冠^十陳靈哀服^十秦人入郟^十楚子滅六^十

鄭盟石門^十宋會瓦屋^十齊怒公拜^十晉懼君辱^十

鄭襪回祿^十晉卜臺駘^十塞木已拱^十胥櫓可材^十

滕成多涕^十魯昭不衰^十子頹樂禍^十晉人幸灾^十

魏子與戍^十祁奚舉牛^十聲必復椒^十申能興楚^十

文霸一戰^十悼興三駕^十張病猶御^十高偃且射^十

洩爭路服^十懷改璵璠^十衍怨大叔^十厲憾原繁^十

賜不幸中^十竈亦多言^十范乘婦輦^十盈載滕藩^十

邾執玉高九晉受瑞情九桓日官失九哀司歷過九
子猶受幣四無極取貨四趙言可弔四吉稱將賀四
吳木楚革四鄭車戎徒四僖四卜郊四昭再書雩四
烏枝用劔一魏舒毀車一霄伐舊門一餘襲高魚一
鄭徙主祐二魯藏象魏二高固賈勇二冉猛客氣二
燮死為福二簡囚乃幸二晉侯請隧二楚子問鼎二
三國析邾三七縣分祁三商人貸施三宋鮑饋詒三
陳桓施貧三子罕貸饑三鞏簡用遠三單獻任羈三
文尚無害四鷹猶可免四師燕負羈四尹炮卻宛四
魯士傳乘五鄭御踞轉五子尾欺晉五公為誣衍五

晉返汶陽六齊歸龜陰六姒用季擯六姜取穆琴六
緩察膏旨七和辨蠱淫七榮叔歸賄七毛伯求金七
樂鮒求貨七魏子辭賄七大戎小戎七叔隗季隗七
愛何與邑八惡朔授宰八速視贖顧八蹇聽媯效八
會問穀烝九閱辭形鹽九莊厚共叔九桓寵秦鍼九
魏子不足九虞公無厭九秦師夜遁九午衆宵燔九
衛食至盱十齊飲繼夜十天震夷廟十人火宣榭十
具車執餘十負甲襲鼓十孫子巢燕十齊侯穴鼠十
崔杼兼室十一衛疾二妻十一晉軍夾泚十一楚師背鄆十一
旒動奔衛十一旗靡逐齊十一吳居甬東十一越保會稽十一

魯繹去籥二晉飲徹酒二昭萬二人三襄射三耦三

虞下嬰妻三陳舍賈母三晉猶瘠牛四吳譬瘠狗四

二卿相惡四三帥專行四姜構急子五姬譖申生五

晉復林父五秦用孟明五泉宮蛇妖六文柅牛聲六

隱會老桃六桓盟北杏六秦使目動六晉客容猛六

晉霸遂失七齊人始貳七夷吾無禮七晉景不義七

晉傳及絳七魯柝聞邾七紡麻報莒八漚管導吳八

佩裘止蔡八寶劍奔虞八衛子婦人八武叔丈夫八

子元魚麗九鄭翩鶴陣九絞小寡謀九戎輕務進九

文不告朔九襄再失閏九員言報楚九豹請伐晉九

屯蔡九日卒城沂三旬卒昭使望氛卒僖命書雲卒

子西掩面卒司馬藏身卒曹彊獻雁卒鉏商獲麟卒

宣四年楚子與若敖氏戰于臯澣伯琴射玉汰輅及
 鼓跗著於丁寧又射汰輅以貫箠轂師懼退
 捷也而不可怒也
 子車即
 淵捷
 伯琴越
 也

左氏傳蒙求卷下



明 吳化龍 選

日本 樋口邦古抄注

捷中楯瓦 椒及鼓跗

昭二十六年魯師及齊師戰于炊鼻齊子淵捷從洩

聲子射之中楯瓦絲胸汰輅七入者三寸聲子射其

馬斬鞅殪改駕人以爲駸戾也而助之子車曰齊人

也將擊子車子車射之殪其御曰又之子車曰衆可

懼也而不可怒也

宣四年楚子與若敖氏戰于臯澣伯琴射玉汰輅及

鼓跗著於丁寧又射汰輅以貫箠轂師懼退

簡子伏弑 張侯援袍

哀二年晉追鄭師姚般公孫林殿而射前列多死趙

孟曰趙孟簡子也國無小既戰簡子曰吾伏弑嘔血鼓音

不衰今日我上也

成二年六月癸酉齊師陳于鞌邴夏御齊侯逢丑父

為右晉解張御卻克鄭丘緩為右卻克傷於矢曰余

病矣張侯曰張侯解張也師之耳目在吾旗鼓進退從之

此車一人殿之可以集事若之何其以病敗君之大

事也擐甲執兵固即死也病未及死吾子勉之左并

轡右援袍而鼓馬逸不能止師從之齊師敗績逐之

三周華不注山名

靈右伯輿 匡叛孫蘇

襄十年王叔陳生與伯輿爭政卿士王右伯輿王

叔陳生怒而出奔及河王復之殺史狡以說焉不入

遂處之王周靈王

文十四年周公將與王孫蘇訟于晉匡王叛王孫蘇

而使尹子與聃啓訟周公于晉趙宣子平王室而復

之

越使罪人 吳用囚徒

定十四年吳伐越越子勾踐禦之陳于檇李勾踐患

吳之整也使死士再禽焉不動使罪人三行屬劍於

頸而辭曰二君有治臣奸旗鼓不敏於君之行前不

敢逃刑敢歸死遂自剄也師屬之曰越子因而伐之
大敗之
昭二十三年吳戰于雞父吳子以罪人三千先犯胡
沈與陳注囚徒不習戰以示不整

僖耻縣胄 吳憾取屨

僖二十二年邾人以須句故出師魯僖公卑邾不設
備而禦之臧文仲曰國無小不可易也無備雖衆不
可恃也詩曰戰戰兢兢如臨深淵如履薄冰又曰敬
之敬之天惟顯思命不易哉先王之明德猶無不難
也無不懼也况我小國乎君其無謂邾小蠶蠶有毒
而况國乎弗聽八月丁未公及邾師戰于升陘魯師

敗績邾人獲公胄縣諸魚門

定十四年越子伐吳大敗之靈姑浮以戈擊闔廬闔
廬傷將指取其一屨還卒於陘去攜李七里夫差使
人立於庭苟出入必謂己曰夫差而忘越王之殺而
父乎則對曰唯不敢忘三年乃報越

東郭皙饋 郤至附注

定九年齊侯賞犂彌犂彌辭曰有先登者臣從之皙
饋而衣狸製公使視東郭書曰乃夫子也吾貶子公
賞東郭書辭曰彼賓旅也乃賞犂彌
成十六年晉郤至三遇楚子之卒見楚子必下免胄
而趨風楚子使工尹襄問之以弓曰方事之殷也有

蘇韋之跗注君子也識見不穀而趨無乃傷乎

何對牢禮 仲答羽數

哀七年夏哀公會吳于郟吳來徵百牢子服景伯

何也對曰先王未之有也吳人曰宋百牢我魯不可

以後宋且魯牢晉大夫過十吳王百牢不亦可乎景

伯曰晉范鞅貪而棄禮以大國懼敝邑故敝邑十一

牢之君若以禮命於諸侯則有數矣若亦棄禮則有

淫者矣吳人弗聽乃與之

隱五年九月魯考仲子之宮將萬馬隱公問羽數於

衆仲對曰天子用八諸侯用六大夫四士二夫舞所

以節八音而行八風故自八以下公從之於是初獻

六羽始用六佾也

六卿命服 三帥先路

襄十九年襄公享晉六卿于蒲圃賜之三命之服軍

尉司馬司空輿尉候奄皆受一命之服賁荀偃束錦

加璧乘馬先吳壽夢之鼎

成二年成公會晉師于上鄭賜三帥卻克士先路三

命之服司馬司空輿帥候正亞旅皆受一命之服

趙且視蔭 駟不俟河

昭元年秦后子后子秦奔晉見趙孟趙孟曰秦君何

如對曰無道趙孟曰亡乎對曰何為一世無道國未

艾也國於天地有與立焉不數世淫弗能斃也趙孟

曰天乎對曰有焉趙孟曰其幾何對曰鍼聞之國無道而年穀和熟天贊之也鮮不五稔趙孟視蔭曰朝夕不相及誰能待五后子出而告人曰趙孟將死矣主民翫歲而惕曰其與幾何

襄八年楚子囊伐鄭討其侵蔡也子駟子國子耳欲從楚子孔子矯子展欲待晉子駟曰周詩有之曰俟河之清人壽幾何

董蒲勝既 宋兕尚多

宣十二年楚熊負羈囚知罃知莊子以其族反之厨武子御下軍之士多從之每射抽矢箠納諸厨子之房厨子怒曰非子之求而蒲之愛董澤之蒲可勝既

乎知季曰子知莊不以人子吾子其可得乎吾不可以

苟射故也射連尹襄老獲之遂載其尸射公子穀臣囚之以二者還

宣二年見城謳犀甲中上卷六十三葉

士魴易秦 屈瑕小羅

襄十一年秦庶長鮑廢長武帥師伐晉以救鄭鮑先入晉地士魴御之少秦師而弗設備壬午武濟自輔氏與鮑交伐晉師己丑秦晉戰于欒晉師敗績易秦故也

桓十三年春楚屈瑕官莫伐羅鬪伯比送之還遂見

楚子曰必濟師楚子辭焉入告夫人鄧曼鄧曼曰大

夫其非衆之謂其謂君撫小民以信訓諸司以德而威莫敖以刑也莫敖狃於蒲騷之役將自用也必小羅君若不鎮撫其不設備乎夫固謂君訓衆而好鎮撫之名諸司而勸之以令德見莫敖而告諸天之不假易也不然夫豈不知楚師之盡行也莫敖遂無次且不設備及羅大敗之莫敖縊于荒谷

起視旗彊 服相穀難

昭二年晉韓宣子起韓如齊納幣見子雅子雅名子旗使見宣子宣子曰非保家之主也不臣見子尾子尾見彊彊子尾之子宣子謂之如子旗大夫多笑之唯晏子信之曰夫子君子也君子有信其有以知之矣

文元年天王使內史叔服來會會僖公會也公孫敖聞其能相人也見其二子焉叔服曰穀也食子難也收子穀也豐下必有後於魯國穀文伯難惠叔

穆子名仇 惠男曰圉

桓二年見千畝名弟中上卷六十三葉

僖十七年夏晉太子圉為質於秦秦歸河東而妻之惠公之在梁也梁伯妻之梁嬴孕過期卜招父與其子卜之其子曰將生一男一女招曰然男為人臣女為人妾故名男曰圉女曰妾及子圉西質妾為宦女焉

董狐罪盾 齊史書杼

宣二年晉趙穿攻靈公於桃園宣子未出山而復大
史書曰趙盾弑其君以示於朝宣子曰不然對曰子
為正卿亡不越竟反不討賊非子而誰宣子曰烏呼
我之懷矣自詒伊戚感其我之謂矣孔子曰董狐古之
良史也書法不隱趙宣子古之良大夫也為法受惡
惜也越竟乃免

襄二十五年齊莊公問崔子病侍人賈舉弑之崔子
之室太史書曰崔杼弑其君崔子殺之其弟嗣書而
死者二人其弟又書乃舍之南史氏聞大史盡死執
簡以往聞既書矣乃還

叛名齊豹 盜書陽虎

昭三十一年齊豹為衛司寇守嗣大夫作而不義其
書為盜邾庶其莒牟夷邾黑肱以土地出求食而已
不求其名賤而必書此二物者所以懲肆而去貪也
是以春秋書齊豹曰盜三叛人名以懲不義數惡逆
無禮其善志也故曰春秋之稱微而顯婉而辨上之
人能使昭明善人勸焉淫人懼焉是以君子貴之
定八年陽虎劫定公與武叔以伐孟氏公斂處父帥
成人自上東門入與陽氏戰于南門之內弗勝又戰
于棘下陽氏敗陽虎說甲如公宮取寶玉大弓以出
舍于五父之衢寢而為食其徒曰追其將至虎曰魯
人聞余出喜於徵死何暇追余經書盜竊寶玉大弓

忽無大援 桓有內主

桓十一年鄭昭公名忽之敗北戎也齊人將妻之昭公辭祭仲曰必取之君多內寵子無大援將不立三公子皆君也弗從

昭十三年晉叔向曰齊桓衛姬之子也有寵於僖有鮑叔牙賓須無隰朋以為輔佐有莒衛以為外主有國高以為內主從善如流下善齊肅不藏賄不從欲施舍不倦求善不厭是以有國不亦宜乎

成季名友 唐叔曰虞

昭三十二年昔成季友桓之季也文姜之愛子也始震而卜卜人謁之曰生有嘉聞其名曰友為公室輔

及生如卜人之言有文在其手曰友遂以名之既而有大功於魯受費以為上卿

昭元年子產曰當武王邑姜方震大叔夢帝謂己余命而子曰虞將與之唐屬諸參而蕃育其子孫及生有文在其手曰虞遂以命之及成王滅唐而封大叔焉故參為晉星

齊罪鮑牽 鄭治強鉏

成十七年國子國武子相齊靈公以會高鮑處守及還將至閉門而索客孟子訴之曰高鮑將不納君而立公子角國子知之別鮑牽而逐高無咎無咎奔莒莊十六年鄭伯治與於雍糾之亂者九月殺公子闕

刑強鉏

秦師小芮 魯眾卑邾

桓四年秦師侵芮敗焉小之也為芮所敗

僖二十二年見僖耻縣胄中下卷二葉

趙鞅作器 子產鑄書

昭二十九年見晉守唐法中上卷六十五葉

昭六年鄭人鑄刑書叔向使詒子產書曰今吾子相

鄭國作封洫立謗政制參辟鑄刑書將以靖民不亦

難乎詩曰儀式刑文王之德日靖四方又曰儀刑文

王萬邦作孚如是何辟之有民知爭端矣將棄禮而徵

於書錐力之末將盡爭之亂獄滋豐賄賂竝行終子

之世鄭其敗乎胙聞之國將亡必多制其此之謂乎

復書曰若吾子之言僑不才不能及子孫吾以救世

也既不承命敢忘大惠

文伯對曰 申豐論雹

昭七年夏四月甲辰朔日有食之晉侯問於士文伯

曰誰將當日食對曰魯衛惡之公曰詩所謂彼日而

食于何不臧者何也對曰不善政之謂也國無政不

用善則自取謫于日月之災故政不可不慎也務三

而已一曰擇人二曰因民三曰從時

昭四年大雨雹季武子問於申豐曰雹可禦乎對曰

聖人在上無雹雖有不為災今藏川池之冰棄而不

用風不越而殺雷不發而震電之為雷誰能禦之七月之卒章藏冰之道也

武子求禮 孟僖講學

宣十六年冬晉侯使士會武子平王室定王享之原襄公相禮殺烝武子私問其故王聞之召武子曰季氏而弗聞乎王享有體薦宴有折俎公當享卿當宴王室之禮也武子歸而講求典禮以脩晉國之法

昭七年九月昭公至自楚孟僖子病不能相禮乃講學之苟能禮者從之及其將死也召其大夫曰禮人之幹也無禮無以立吾聞將有達者曰孔丘聖人之後也臧孫紇有言曰聖人有明德者若不當世其後

必有達人今其將在孔丘乎我若獲沒必屬說與何忌於夫子使事之而學禮焉以定其位故孟懿子與南宮敬叔師事仲尼

趙珠一簞 晉王五穀

哀二十年越圍吳楚隆晉趙孟襄子無恤楚隆孟家臣告于吳王曰寡君之老無恤使陪臣隆敢展謝其不共黃池之役君之先臣志父得承齊盟曰好惡同之今君在難無恤不敢憚勞非晉國之所能及也使陪臣敢展布之王拜稽首曰寡人不佞不能事越以為大夫憂拜命之辱與之一簞珠使問趙孟

莊十八年春虢公晉侯朝王王饗醴命之宥皆賜玉

五穀馬三匹非禮也王命諸侯名位不同禮亦異數
不以禮假久

圍犂蓋門子之援桶

莊三十二年魯雩講于梁氏女公子觀之圍人犂自
牆外與之戲子般怒使鞭之莊公曰不如殺之是不
可鞭犂有力焉能投蓋于稷門

襄二十八年齊嘗于大公之廟慶舍子泄事樂高陳

鮑之徒介慶子之甲子尾抽桶擊扉三盧蒲葵自後

刺子之王何以戈擊之解其左肩猶援廟桶動於甕

以俎壺投殺人而後死遂殺慶繩麻嬰

吳歸景伯狄舍史龍

哀十三年吳人將囚景伯景伯名何景伯曰何也立後於

魯矣將以二乘與六人從遲速唯命遂囚以還及戶

牖謂太宰曰魯將以十月上辛有事於上帝先王季

辛而畢何世有職焉自襄以來未之改也若不會祝

宗將曰其實然且謂魯不共而執其賤者七人何損

焉太宰諾言於王曰無損於魯而祇為名不如歸之

乃歸景伯

閔二年狄人伐衛囚史華龍滑與禮孔以逐衛人二

人曰我大史也實掌其祭不先國不可得也乃先之

至則告守曰不可待也夜與國人出

楚尹城郢 梁伯溝宮

昭二十三年見郢守己小中上卷六

僖十九年梁伯好土功亟城而弗處民罷而弗堪則曰某寇將至乃溝公宮曰秦將襲我民懼而潰秦遂取梁

札見南籥 曠歌北風

襄二十九年吳公子札來聘見叔孫穆子說之謂穆子曰子其不得死乎好善而不能擇人吾聞君子務在擇人吾子為魯宗卿而任其大政不慎舉何以堪之禍必及子請觀於周樂見舞象箭南籥者曰美哉猶有憾

襄十八年見南風不競中上卷六

圍殺為掩郤害伯宗

襄三十年楚公子圍殺大司馬為掩而取其室申無宇曰王子必不免善人國之主也王子相楚國將善是封殖而虐之是禍國也且司馬令尹之偏而王之四體也絕民之主去身之偏艾王之體以禍其國無不祥大焉何以得免

成十五年見伯宗好直中上卷六

穆伯爭娶子皙強聘

文七年冬徐伐莒莒人來請盟穆伯如莒公孫敖蒞盟且為仲公孫遂逆及鄆陵登城見之美自為娶之仲請攻之文公將許之叔仲惠伯諫曰臣聞之兵作於

內為亂於外為寇寇猶及人亂自及也今臣作亂而君不禁以啓寇讎若之何公止之惠伯成之使仲舍之公孫敖反之復為兄弟如初從之

昭元年見子皙委禽中上卷三十四葉

癸惡識宗 崔不辨姓

襄二十八年盧蒲癸臣子之有寵妻之慶舍之士謂盧蒲癸曰男女辨姓子不辟宗何也曰宗不余辟余獨焉辟之賦詩斷章余取所求焉惡識宗

襄二十五年齊棠公之妻東郭偃之姊也東郭偃臣崔武子棠公死偃御武子以弔焉見棠姜而美之使偃取之偃曰男女辨姓今君出自下臣出自桓不可

武子筮之遇困之大過史皆曰吉示陳文子文子曰夫從風風墮妻不可娶也且其繇曰困于石據于蒺藜入于其宮不見其妻凶困于石往不濟也據于蒺藜所恃傷也入于其宮不見其妻凶無所歸也崔子曰蒺藜也何害先夫當之矣遂取之

秦伯增德 隨侯脩政

文二年秦伯猶用孟明孟明增脩國政重施於民趙成子晉趙衰言於諸大夫曰秦師又至將必辟之懼而增德不可當也詩曰毋念爾祖聿脩厥德孟明念之矣念德不怠其可敵乎

桓六年見隨祝舉矯中上卷六十一葉

揚干亂行 宋公違命

襄三年晉侯之弟揚干亂行於曲梁魏絳戮其僕晉侯怒將殺魏絳魏絳至授僕人書將伏劍士魴張老止之公讀其書曰日君之使使臣斯司馬臣聞師衆以順為武軍事有死無犯為敬君合諸侯臣敢不敬君師不武執事不敬罪莫大焉臣懼其死以及揚干無所逃罪不能致訓至於用鉞臣之罪重敢有不從以怒君心請歸死於司寇公跣而出曰寡人之言親愛也吾子之討軍禮也寡人有弟弗能教訓使干大命寡人之過也子無重寡人之過敢以為請晉侯以魏絳為能以刑佐民矣反役與之禮食使佐新軍

文十年陳侯鄭伯會楚子于息將以伐宋宋乃逆楚子勞且聽命遂道以田孟諸宋公為右孟鄭伯為左孟期忠公復遂為右司馬子朱及文之無畏為左司馬命夙駕載燧宋公違命無畏扶其僕以徇或謂子舟曰國君不可戮也子舟曰當官而行何彊之有子舟

無畏字

萬輦乘車 虎載葱靈

莊十二年秋宋萬弑閔公于蒙澤立子游冬十月蕭叔大心及戴武宣穆莊之族以曹師伐之殺南宮牛于師殺子游于宋立桓公猛獲奔衛南宮萬宋奔陳以乘車輦其母一日而至

定九年齊侯執陽虎將東之陽虎願東乃囚諸西鄙
盡借邑人之車鑿其軸麻約而歸之載葱靈輜車名寢
於其中而逃追而得之囚於齊又以葱靈逃奔宋遂
奔晉適趙氏

三氏成鄭 二禮仕邢

僖三十年見闕秦利晉中上卷十七葉

僖二十四年衛人將伐邢禮至曰不得其守國不可
得也我請昆弟仕焉乃往得仕

元請交贄 戌欲弭兵

成十二年宋華元克合晉楚之成夏五月晉士燮會
楚公子罷許偃癸亥盟于宋西門之外曰凡晉楚無

相加戎好惡同之同恤菑危備救凶患若有害楚則
晉伐之在晉楚亦如之交贄往來道路無壅謀其不
協而討不庭有渝此盟明神殛之俾隊其師無克胙
國

襄二十七年宋向戌欲弭諸侯之兵以為名如晉告
趙孟趙孟謀於諸大夫韓宣子曰兵民之殘也財用
之蠹小國之大菑也將或弭之雖曰不可必將許之
弗許楚將許之以名諸侯則我失為盟主矣晉人許
之楚齊秦亦許之

秦師無禮 楚政有經

僖三十三年秦師過周北門左右免胄而下超乘者

三百乘王孫滿尚幼觀之言於王曰秦師輕而無禮必敗輕則寡謀無禮則脫入險而脫又不能謀能無敗乎

宣十二年隨武子曰會聞用師觀釁而動德刑政事典禮不易不可敵也不為是征楚軍討鄭怒其貳而哀其卑叛而伐之服而舍之德刑成矣伐叛刑也柔服德也二者立矣昔歲入陳今茲入鄭民不罷勞君無怨讟政有經矣

圍却野賜弓辭郊勞

昭元年楚公子圍聘于鄭且娶於公孫段氏既聘將以衆逆子產患之使子羽辭曰以敕邑褊小不足以

容從者請墀聽命令尹命大宰伯州犂對曰君辱貺寡大夫圍謂圍將使豐氏撫有而室圍布几筵告於莊共之廟而來若野賜之是委君貺於草莽也請垂橐而入許之

昭公二年叔弓聘于晉報宣子也晉侯使郊勞辭曰寡君使弓來繼舊好固曰女無敢為寡徹命於執事敝邑弘矣敢辱郊使請辭致館辭曰寡君命下臣來繼舊好好合使成臣之祿也敢辱大館叔向曰子叔子知禮哉吾聞之曰忠信禮之器也卑讓禮之宗也辭不忘國忠信也先國後己卑讓也詩曰敬慎威儀以近有德夫子近德矣

慶鄭去淳 樂鉞掀淳

僖十五年晉侯及秦伯戰于韓原晉戎馬還淳而止
公號慶鄭慶鄭曰復諫違卜固敗是求又何逃焉遂
去之鄭以救公誤之遂失秦伯秦獲晉侯以歸
成十六年步毅御晉厲公樂鉞為右彭名御楚共王
潘黨為右石首御鄭成公唐苟為右樂范以其族夾
公行陷於淳樂書將載晉侯鉞曰書退國有大任焉
得專之且侵官冒也失官慢也離局姦也有三罪焉
不可犯也乃掀公以出於淳

晉庇衛賊 魯賞邾盜

昭七年衛襄公卒晉大夫言范獻子曰衛事晉為睦
晉不禮焉庇其賊人而取其地故諸侯貳詩曰鷓鴣
在原兄弟急難又曰死喪之威兄弟孔懷兄弟之不
睦於是乎不弔况遠人誰敢歸之

襄二十一年邾庶其以漆閭丘來奔季武子以公姑
姉妻之皆有賜於其從者於是魯多盜季孫謂臧武
仲曰子盍詰盜武仲曰不可詰也紇又不能子為正
卿而來外盜禮焉以君之姑姉與其大邑其次阜牧
輿馬其小者衣裳劔帶是賞盜也賞而去之其或難
焉紇也聞之在上位者洒濯其心壹以待人執度其
信可明徵也而後可以治人夫上之所為民之歸也
上之所不為而民或為之是以加刑罰焉而莫敢不

懲若上之所為而民亦為之乃其所也又可禁乎

伯魯不學 叔段失教

昭十八年秋葬曹平公往者見周原伯魯焉與之語不說學歸以語閔子馬閔子馬曰周其亂乎夫必多有是說而後及其大人大人患失而惑又曰可以無學無學不害不害而不學則苟而可於是乎下陵上替能無亂乎夫學殖也不學將落原氏其亡乎隱元年大叔出奔共書曰克段于鄆段不弟故不言弟如二君故曰克稱鄭伯譏失教也

秦朱當御 鄭黑辭行

襄二十六年春秦伯之弟鍼如晉脩成叔向命名行

秦朱恐
當作晉
朱

人子負行人子朱曰朱也當御三云叔向不應子朱怒曰班爵同何以黜朱於朝撫劍從之叔向曰秦晉不和久矣今日之事幸而集晉國賴之不集三軍暴骨子負道二國之言無私子常易之姦以事君者吾所能御也拂衣從之人救之

襄二十九年鄭伯有使公孫黑黑子如楚辭曰楚鄭方惡而使余往是殺余也伯有曰世行也子皙曰可則往難則已何世之有伯有將強使之子皙怒將伐伯有氏大夫和之

岡山用隱 次睢執郟

昭十一年楚子滅蔡用隱太子于岡山蔡靈公申無

字曰不祥五牲不相為用况用諸侯乎王必悔之
僖十九年夏宋公使邾文公用鄫子于次睢之社欲
以屬東夷司馬子魚曰古者六畜不相為用小事不
用大牲而况敢用人乎祭祀以為人也民神之主也
用人其誰饗之

周却請隧 衛許假纓

僖二十五年見晉啟南陽中上卷

成二年衛侯使孫良夫石稷甯相向禽將侵齊與齊
師遇齊師乃止次于鞫居新築人仲叔于奚救孫桓
子桓子是以免既衛人賞之以邑辭請曲縣繁纓以
朝許之仲尼聞之曰惜也不如多與之邑唯器與名

不可以假人君之所司也

鄭未可間 晉難與爭

僖七年鄭伯使太子華聽命於會言於齊侯曰洩氏
孔氏子人氏三族實違君命若君去之以為成我以
鄭為內臣君亦無所不利焉齊侯將許之管仲曰君
其勿許鄭必受盟夫子華既為太子而求介於大國
以弱其國亦必不免鄭有叔詹堵叔師叔三良為政
未可間也齊侯辭焉子華由是得罪於鄭

成三年晉人歸楚公子穀臣與連尹襄老之尸于楚
以求知罃邲之戰楚獲知罃王曰晉未可與爭重為之禮而
歸之

羔不踐難 嬰焉得死

哀十五年衛亂季子子路將入遇子羔衛大夫將出曰

門已閉矣季子曰吾姑至焉子羔曰弗及不踐其難

季子曰食焉不辟其難子羔遂出

襄二十五年齊崔杼弑其君問丘嬰以帷縛其妻而

載之與申鮮虞乘而出鮮虞推而下之曰君昏不能

匡危不能救死不能死而知匿其暱其誰納之

閔速莊禘 文躋僖祀

閔二年夏吉禘于莊公速也

文二年見新鬼故鬼中上卷五十二葉

晉攻大族 為去富子

成十七年晉厲公田與婦人先殺而飲酒後使大夫

殺卻至奉豕寺人孟張奪之卻至射而殺之公曰季

子季子欺余厲公將作難晉童曰必先三卻族大多

怨去大族不偏敵多怨有庸公曰然

莊二十三年晉桓莊之族偏桓叔莊伯之子孫獻公

患之士為曰去富子則羣公子可謀也已公曰爾試

其事士為與羣公子謀譖富子而去之

子良獨憂 伍員不喜

宣九年晉卻缺救鄭鄭伯敗楚師于柳棼國人皆喜

唯子良去病憂曰是國之災也吾死無日矣

哀十一年吳將伐齊越子率其眾以朝焉王及列士

皆有饋賂吳人皆喜惟子胥懼曰是豢吳也夫諫曰越在我心腹之疾也壤地同而有欲於我夫其柔服求濟其欲也不如早從事焉得志於齊猶獲石田也

伍負子胥

羅稱姻妾 克冒婦人

哀十五年衛渾良夫與太子入舍於孔氏之外圃昏

二人蒙衣而乘寺人羅御如孔氏孔氏之老藥寧問

之稱姻妾以告遂入

成十七年齊慶克通于聲孟孺與婦人蒙衣乘輦而

入于閼慶克蒙衣亦為婦人服與婦人相冒

臯比犯宋 虎皮奔陳

莊十年齊師宋師次于郎公子偃曰魯太夫宋師不整

可敗也宋敗齊必還請擊之莊公不許自雩門竊出

蒙臯比而先犯之公從之大敗宋師于乘丘齊師乃

還

僖二十八年晉師陳于莘北胥臣以下軍之佐當陳

蔡子玉以若敖之六卒將中軍曰今日必無晉矣子

西將左子上將右胥臣蒙馬以虎皮先犯陳蔡陳蔡

奔楚右師潰

石言于晉 神降於莘

昭八年見晉築虎祁中上卷四葉十四

莊三十二年見虢聽于神中上卷三葉二十一

臧惡無禮 蔑嫉不仁

文十八年莒紀公生太子僕又生季佗愛季佗而黜僕且多行無禮於國僕因國人以弒紀公以其寶玉來奔納諸宣公公命與之邑曰今日必授季文子使司寇出諸竟曰今日必達公問其故季文子使太史克對曰先大夫臧文仲教行父事君之禮行父奉以周旋弗敢失隊曰見有禮於其君者事之如孝子之養父母也見無禮於其君者誅之如鷹鷂之逐鳥雀也舜有大功二十而為天子今行父雖未獲一吉人去一凶矣於舜之功二十之一也庶幾免於戾乎襄二十五年晉程鄭卒子產始知然明問為政焉對

曰視民如子見不仁者誅之如鷹鷂之逐鳥雀也子

產喜以語子大叔且曰他日吾見蔑之面而已蔑然明名

今吾見其心矣子大叔問政於子產子產曰政如農

功日夜思之思其始而成其終朝夕而行之行無越

思如農之有畔其過鮮矣史五籍計少今月鏡而計

虞祀豐潔 隨牲肥腍

僖五年晉侯復假道於虞以伐虢宮之奇諫曰虢虞

之表也虢亡虞必從之晉不可啟寇不可翫一之謂

甚其可再乎諺所謂輔車相依唇亡齒寒者其虞虢

之謂也虞公曰吾享祀豐潔神必據我對曰臣聞之

鬼神非人實親惟德是依故周書曰皇天無親惟德

是輔又曰黍稷非馨明德惟馨又曰民不易物惟德繫物如是則非德民不和神不享矣神所馮依將在德矣若晉取虞而明德以薦馨香神其吐之乎弗聽許晉使宮之奇以其族行曰虞不臘矣桓六年少師歸請追楚師隨侯將許之季梁止之曰臣聞小之能敵大也小道大淫所謂道忠於民而信於神也上思利民忠也祝史正辭信也今民餒而君逞欲祝史矯舉以祭臣不知其可也公曰吾牲牲肥脂粢盛豐備何則不信少師季梁隨大夫昭執伍奢懷殺狐突昭二十年費無極言於楚子曰建與伍奢將以方城

之外叛自以為猶宋鄭也齊晉又交輔之將以害楚其事集矣王信之問伍奢伍奢對曰君一過多矣何信於讒王執伍奢王昭王建太子建僖二十三年見突教之忠中上卷十葉子西卯翼申叔肉骨

哀十六年晉人伐鄭楚救之與之盟勝怒曰太子建之子白鄭人在此讐不遠矣勝自厲劍子期之子平見之曰王孫何自厲也曰勝以直聞不告女庸為直乎將以殺爾父平以告子西子西曰勝如卯余翼而長之楚國第我死令尹司馬非勝而誰勝聞之曰令尹之狂也得死乃非我

襄二十二年使遠子馮為令尹他日朝與申叔豫言
 弗應而退申叔避遠子曰子三困我於朝吾懼不敢
 不見吾過子姑告我何疾我也對曰吾不免是懼何
 敢告子曰何故對曰昔觀起有寵於子南子南得罪
 觀起車裂何故不懼自御而歸不能當道至謂八人
 者曰吾見申叔夫子所謂生死而肉骨也知我者如
 夫子則可八人有寵於遠子者

宋文厲炭 敬嬴葛藟

成二年宋文公卒始厚葬用蜃炭益車馬始用殉重
 器備禭有四阿棺有翰檜君子謂華元樂舉於是乎
 不臣臣治煩去惑者也是以伏死而爭今二子者君

生則縱其惑死又益其侈是弃君於惡也何臣之為
 宣八年冬葬敬嬴早無麻始用葛藟

滕薛爭長 晉楚相先

隱十一年滕侯薛侯來朝爭長薛侯曰我先封滕侯
 曰我周之卜正也薛庶姓也我不可以後之隱公使
 羽父請於薛侯曰君與滕君辱在寡人周諺有之曰
 山有木工則度之賓有禮主則擇之周之宗盟異姓
 為後寡人若朝于薛不敢與諸任齒君若辱貶寡人
 則願以滕君為請薛侯許之乃長滕侯
 襄二十七年晉楚爭先晉人曰晉固為諸侯盟主未
 有先晉者也楚人曰子言晉楚匹也若晉常先是楚

弱也且晉楚狎主諸侯之盟也久矣豈專在晉叔向謂趙孟曰諸侯歸晉之德只非歸其尸盟也子務德無爭先且諸侯盟小國固必有尸盟者楚為晉細不亦可乎乃先楚人

晉厲踊地衛人叫天成十年晉侯夢大厲被髮及地搏膺而踊曰殺余孫不義余得請於帝矣壞大門及寢門而入公懼入于室又壞戶公覺召桑田巫巫言如夢公曰何如曰不食新矣言公不得及食新麥六月晉侯如廁陷而卒景公也哀十七年衛侯夢于北宮見人登此昆吾之觀被髮北面而諫曰登此昆吾之虛縣縣生之瓜余為渾良

夫叫天無辜公親筮之胥彌赦占之曰不害與之邑寘之而逃奔宋

宗魯斷肱 由于中肩

昭二十年衛侯在平壽公孟有事於蓋獲之門外齊子氏帷於門外而伏甲焉使鼃祝寘戈於車薪以當門使一乘從公孟以出使華齊御公孟宗魯驂乘及閔中齊氏用戈擊公孟宗魯以背蔽之斷肱以中公孟之肩皆殺之

定四年楚子涉睢濟江入于雲中王寢盜攻之以戈擊王王孫由于以背受之中肩王奔鄭鍾建負季芊以從由于徐蘇而從

遷桃取成與州易原

昭七年晉人來治杞田季孫將以成與之謝息為孟孫守不可季孫曰君之在楚於晉罪也又不聽晉魯罪重矣晉師必至吾無以待之不如與之間晉而取諸杞吾與子桃成反誰敢有之是得二成也魯無憂而孟孫益邑子何病焉辭以無山與之萊柞乃遷于桃晉人為杞取成

昭七年子產為豐施歸州田於韓宣子宣子受之以告晉侯晉侯以與宣子宣子為初言病有之以易原

縣於樂大心宋大夫

楚靈不瞑荀偃猶視

文元年冬十月以宮甲圍成王楚成王王請食熊蹯而

死弗聽丁未王縊諡之曰靈不瞑曰成乃瞑

襄十九年晉荀偃卒而視不可含宣子盟而撫之曰

事吳敢不如事主猶視樂懷子曰其為未卒事於齊

故也乎乃復撫之曰主苟終所不嗣事于齊者有如

河乃瞑受含

子期盟心孟任割臂

定四年楚鑪金初官子期氏實與隨人要言王使見

辭曰不敢以約為利王割子期之心以與隨人盟

莊三十二年初魯莊公築臺臨黨氏見孟任從之閱

而以夫人言許之割臂盟公孟任黨氏女

儀歎如棋悼言異器

襄二十五年衛獻公自夷儀使與甯喜言甯喜許之

大叔文子聞之曰儀也今甯子視君不如奕棋其何

以免乎奕者舉棋不定不勝其耦而况置君而弗定

乎必不免矣九世之卿族一舉而滅之可哀也哉

哀六年齊陳僖子名公子陽生立之將盟鮑子曰誰

非君之子乃受盟悼公陽生使朱毛告於陳子曰微子

則不及此然君異於器不可以二器二不置君二多

難敢布諸大夫

主媯亞宋杜祁次季

襄十九年子然子孔宋子之子也士子孔主媯之子

也主媯之班亞宋子而相親也士子孔亦相親也宋子

主媯鄭穆公之妾

文六年晉襄公卒靈公少晉人以難故欲立長君趙

孟曰立公子雍杜祁以君故讓偏姑而上之以狄故

讓季隗而已次之故班在四先君是以愛其子而仕

諸秦為亞卿焉秦大而近足以為援母義子愛足以

威民立之不亦可乎使先蔑士會如秦逆公子雍

奄咺臧堅 優盟奉彌

襄十七年齊侯伐魯北鄙齊人獲臧堅齊侯使夙沙

衛奄咺之且曰無死堅稽首曰拜命之辱抑君賜不

終姑又使其刑臣禮於士以杙抉其傷而死

哀二十五年衛侯夫人寵衰其弟期得罪公使三匠
久公使優投盟奉彌而甚近信之

齊遜孟速 札避子期

襄十六年秋齊侯圍郟孟孺子速徼之齊侯曰是好
勇去之以為之名速遂塞海陘而還

哀十年冬楚子期伐陳吳延州來季子救陳謂子期
曰二君不務德而力爭諸侯民何罪焉我請退以為
子名務德而安民乃還二君
吳楚

齊使諸姜 楚取二姬

襄二年夏齊姜薨初穆姜使擇美櫓季文子取以葬
君子曰非禮也禮無所逆婦養姑者也虧姑以成婦

逆莫大焉詩曰其惟哲人告之話言順德之行季孫

於是為不哲矣且姜氏君之妣也齊侯使諸姜宗婦
來送葬

僖二十二年楚子入饗于鄭九獻庭實旅百加籩豆
六品饗畢夜出文芋送干軍取鄭二姬以歸二姬文
芋女也

叔詹曰楚王其不沒乎為禮卒於無別無別不可謂
禮將何以沒是以諸侯知其不遂霸也

豹誦相鼠 封昧茅鴟

襄二十七年見慶車甚美中上卷五
十葉

襄二十八年叔孫穆子食慶封慶封汜祭穆子不說
使工為之誦茅鴟亦不知既而齊人來讓奔吳

狐庸通路 荀息假道

襄三十一年吳子使屈狐庸聘于晉通路也

僖二年見虞之奇存中上卷三葉十五葉卷五

獻子戴首 晉侯盥腦

襄十八年秋齊侯伐魯北鄙中行獻子將伐齊夢與厲公訟弗勝公以戈擊之首隊於前跪而戴之奉之以走

僖二十八年晉侯夢與楚子搏楚子伏己而盥其腦是以懼子犯曰吉我得天楚伏其罪吾且柔之矣

鄭早斬木 魯火去橐

昭十六年鄭大旱使屠擊祝款豎祔有事於桑山斬

其木不雨子產曰有事於山藝山林也而斬其木其罪大矣奪之官邑

哀三年夏五月魯司鐸火火踰公宮桓僖災救火者皆曰顧府南宮敬叔至命周人出御書侯於宮季桓子至御公立于象魏之外命救火者傷人則止財可為也命藏象魏曰舊章不可亡也富父槐至曰無備而官辨者猶拾潘也於是乎去表之橐道還公室孔子在陳聞火曰其桓僖乎

無忌遜立 崔成請老

襄七年晉韓獻子告老公族穆子有廢疾將立之辭曰無忌不才讓其可乎請立起也無忌穆子名起無忌弟宣子也恤

民為德正直為正正曲為直參和為仁如是則神聽之介福降之立之不亦可乎庚戌使宣子朝遂老晉侯謂韓無忌仁使掌公族大夫

襄二十七年齊崔杼生成及彊而寡娶東郭姜生明崔成有疾而廢之而立明成請老于崔崔子許之公怒龜鼎斟憾羊羹

宣四年楚人獻龜於鄭靈公公子宋也子公與子家將見子公之食指動以示子家曰他日我如此必嘗異味及入宰夫將解龜相視而笑公問之子家以告及食大夫龜召子公弗與也子公怒染指於鼎嘗之而出公怒欲殺子公子公與子家謀先子家曰畜老猶

憚殺之而况君乎

宣二年鄭公子歸生受命于楚伐宋將戰華元殺羊食士其御羊斟不與及戰曰疇昔之羊子為政今日之事我為政與入鄭師故敗君子謂羊斟非人也以其私憾敗國殄民於是刑執大馬

遺室孔姑 文妾懷嬴

哀十一年衛大叔疾出奔宋初疾娶于宋子朝其娣嬖子朝出孔文子使疾出其妻而妻之疾使待人誘其初妻之娣寘於犂而為之一宮如二妻文子怒欲攻之仲尼止之遂奪其妻或淫于外州外州人奪之軒以獻耻是二者故出衛人立遺使室孔姑疾世叔遺弟

孔_一姑_孔文_子
女_疾之_妻

僖二十三年晉公子重耳之及於難也奔狄過衛及齊曹鄭楚楚乃送諸秦秦伯納女五人懷嬴與焉楚武已蕩吳王易盈

莊四年見楚師授子中上卷五十五葉

哀十一年吳王使賜子胥於屬鏹以死將死曰樹吾墓槨可材也吳其亡乎三年其始弱矣盈必毀天之道也

宋欲役薛魯請屬郟

定元年孟懿子會城成周庚寅裁宋仲幾不受功曰滕薛郟吾役也薛宰曰宋為無道絕我小國於周以

我適楚故我常從宋

襄四年襄公如晉聽政晉侯享公公請屬郟晉侯不許孟獻子曰以寡君之密邇於仇讎而願固事君無失官命郟無賦於司馬為執事朝夕之命敝邑敝邑褊小闕而為罪寡君是以願借助焉晉侯許之

齊侯侵蔡莒人入向

僖四年齊侯以諸侯之師侵蔡蔡潰遂伐楚

隱二年莒子娶于向向姜不安莒歸夏莒人入向以姜氏還

趙鞅自伐范匄能讓

哀二年晉及鐵之戰以徒五百人宵攻鄭師趙孟曰

國無小既戰簡子曰鞅吾伏弢嘔血鼓音不衰今日
我上也大子曰吾救主於車退敵於下我右之上也
郵良曰我兩靽將絕吾能止之我御之上也駕而乘
林兩靽皆絕言簡子不讓下自伐
襄十三年荀罃士魴卒晉侯蒐于緜上以治兵使士
句將中軍辭曰伯游長昔臣習於知伯是以佐之非
能賢也請從伯游荀偃伯游將中軍士句佐之君子曰
讓禮之主也范宣子讓其下皆讓欒黶為汰弗敢違
也晉國以平數世賴之刑善也夫一人刑善百姓休
和可不務乎
僞幕九張虎幣百兩

昭十三年子產公孫僑子大叔相鄭伯以會子產以幄
幕九張行子大叔以四十既而悔之每舍損焉及會
亦如之
昭十年九月諸侯之大夫如晉葬平公也鄭子皮罕
將以幣行子產曰喪焉用幣用幣必百兩載幣用車百乘百
兩必千人千人至將不行不行必盡用之幾千人而
國不亡子皮固請以行
定合昭墓 隱改惠葬
定元年七月癸巳葬昭公於墓道南孔子之為司寇
也溝而合諸墓昭公出故季平子禱于煬公九月立
煬宮

隱元年十月庚申改葬惠公惠公之薨也有宋師太子少葬故有闕是以改葬

衛命子輒晉立州蒲

哀二年夏衛靈公卒夫人曰命公子郚為太子君命也對曰郚異於他子且君沒於吾手若有之郚必聞之且亡人之子輒在乃立輒

成十年晉侯有疾五月晉立太子州蒲以為君而會諸侯伐鄭

魯無梁矣 蕭有麴乎

哀十三年吳申叔儀乞糧於公孫有山氏公孫有山氏魯大夫曰佩玉粢兮余無所繫之旨酒一盛兮余與福

之父睨之對曰梁則無矣麴則有之若登首山呼曰

庚癸乎則諾軍中不得出糧故為私隱庚西方王穀癸北方王水

宣十二年楚子伐蕭申公巫臣曰師人多寒王巡三軍拊而勉之三軍之士皆如挾纊遂傳於蕭還無社

蕭木與司馬卯言號申叔展皆楚大夫叔展曰有麥麴乎

曰無有山鞠窮乎曰無河魚腹疾奈何曰目於背井而拯之若為茅絰哭井則已明日蕭潰申叔見其井則茅絰存焉號而出之

齊營班馬 楚幕有烏

襄十八年齊師夜遁師曠告晉侯曰烏烏之聲樂齊師其遁邢伯告中行伯曰有班馬之聲齊師其遁叔

向告晉侯曰城上有烏齊師其遁

莊二十八年秋楚子元以車六百乘伐鄭曰鄭有人

焉諸侯救鄭楚師夜遁鄭人將奔桐丘謀告曰楚幕

有烏乃止

求酒譖僖乞肉怨邾

哀十六年衛侯占夢嬖人求酒於大叔僖子遺大叔不

得與十人比而告公曰君有大臣在西南隅弗去懼

害乃逐大叔遺遺奔晉

定二年邾莊公與夷射姑飲酒私出閤乞肉焉奪之

杖以敲之明年邾子在門臺臨廷閤以餅水沃廷邾

子望見之怒閤曰夷射姑旋焉命執之弗得滋怒自

投于牀廢于鑪炭爛遂卒

齊莊賜冠陳靈衷服

襄二十五年齊崔杼見棠姜而美之遂取之莊公通

焉驟如崔氏以崔子之冠賜人侍者曰不可公曰不

為崔子其無冠乎

宣九年陳靈公與孔寧儀行父通於夏姬皆衷其袒

服以戲于朝洩冶諫曰公卿宣淫民無效焉且聞不

令君其納之公曰吾能改矣公告二子二子請殺之

公弗禁遂殺洩冶孔子曰詩云民之多辟無自立辟

其洩冶之謂乎詩大雅言邪辟之世不可立法

秦人入郟楚子滅六

文五年初都叛楚即秦又貳於楚夏秦人入都六人
叛楚即東夷秋楚成大心仲歸帥師滅六冬楚公子
燮滅蓼

鄭盟石門宋會瓦屋

隱三年齊鄭盟于石門尋廬之盟也

隱八年齊人卒平宋衛于鄭秋會于温盟于瓦屋以

釋東門之役禮也

齊怒公拜 晉懼君辱

哀十七年哀公會齊侯盟于蒙孟武伯相齊侯稽首

公拜齊人怒武伯曰非天子寡君無所稽首武伯問

於高柴曰高柴季羔也諸侯盟誰執牛耳季羔曰郟行之

役吳公子姑曹發陽之役衛石魋武伯曰然則彘也

彘武伯名也

襄三年夏盟於長檮孟獻子相襄公稽首知武子曰

天子在而君辱稽首寡君懼矣寡君晉侯也孟獻子曰以

敝邑介在東表密邇仇讎寡君將君是望敢不稽首

鄭禳回祿 晉卜臺駘

昭十八年夏五月壬午宋衛陳鄭皆火鄭火之明日

郊人助祝史除於國北禳火于玄冥回祿祈于四鄰

書焚室而寬其征與之林三日哭國不市

昭元年晉侯有疾鄭伯使公孫僑如晉聘且問疾叔

向問焉曰寡君之疾病卜人曰實沈臺駘為祟史莫

之知敢問此何神也子產曰實沈參神也臺駘汾神也抑此二者不及君身山川之神則水旱癘疫之災於是乎崇之日月星辰之神則雪霜風雨之不時於是乎崇之若君身則亦出入飲食哀樂之事也山川星辰之神又何為焉僑聞之君子有四時朝以聽政晝以訪問夕以脩令夜以安身於是乎節宣其氣勿使有所壅閉湫底以露其體茲心不爽而昏亂百度今無乃壹之則生疾矣僑又聞之內官不及同姓其生不殖美先盡矣則相生疾君子是以惡之男女辨姓禮之大司也今君內實有四姬焉其無乃是也乎若由是二者弗可為也已四姬有省猶可無則必生疾

矣叔向曰善哉胙未之聞也此皆然矣晉侯聞子產之言曰博物君子也重賄之

塞木已拱胥櫓可村

僖三十二年見蹇叔哭師中上卷五十三葉

哀十一年見吳王易盈中下卷三十葉

滕成多涕魯昭不哀

襄三十一年冬十月滕成公來會葬會魯襄公葬也情而多

涕子服惠伯曰滕君將死矣怠於其位而哀已甚兆

於死所矣能無從乎

同年立敬歸之姊齊歸之子公子裊裊昭穆叔不欲

曰太子死有母弟則立之無則立長年鈞擇賢義鈞

則卜古之道也非適嗣何必嫡之子且是人也居喪而不哀在感而有嘉容是謂不度不度之人鮮不為患若果立之必為季氏憂武子不聽卒立之

子頽樂禍 晉人幸灾

莊二十年冬王子頽享五大夫樂及徧舞鄭伯聞之見虢叔曰寡人聞之哀樂失時殃咎必至今王子頽歌舞不倦樂禍也夫司寇行戮君為之不舉而况敢樂禍乎奸王之位禍孰大焉

僖十四年見懷背秦施中上卷三十七葉

魏子與戊 祁奚舉午

昭二十八年晉魏獻子謂成鱣夫晉大吾與戊也縣魏

也人其以我為黨乎對曰何也戊之為人也遠不忘君近不偪同居利思義在約思純有守心而無淫行雖與之縣不亦可乎夫舉無他唯善所在親疏一也

襄三年見祁奚舉讎中上卷三十葉

聲必復椒 申能興楚

襄二十六年見舉聲相喜中上卷二十二葉

定四年初伍員與申包胥友其亡也謂申包胥曰我必復楚國申包胥曰勉之子能復之我必能興之

文霸一戰 悼興三駕

僖二十七年見晉侯教民中上卷三十一葉

襄九年晉侯歸悼公謀所以息民魏絳請施舍輸積聚

以貸自公以下苟有積者盡出之國無滯積亦無困
人公無禁利亦無貪民祈以幣更實以特牲器用不
作車服從給行之期年國乃有節三駕而楚不能與
爭

張病猶御高偃且射

成二年見張侯援枹中下卷一葉

定八年見顏射中眉中上卷四十八葉

洩爭路服懷改璵璠

昭四年十二月叔孫豹卒昭公使杜洩葬叔孫杜洩
將以路葬且盡卿禮南遺謂季孫曰叔孫未乘路葬
焉用之季孫曰然使杜洩舍路不可曰夫子受命於朝

而聘于王王思舊勲而賜之路使三官書之今死而
弗以是棄君命也書在公府而弗以是廢三官也若
命服生弗敢服死又不以將焉用之乃使以葬
定五年季平子卒陽虎將以璵璠斂仲梁懷弗與曰
改步改玉陽虎欲逐之告公山不狃不狃曰彼為君
也子何怨焉既葬

衍怨大叔厲憾原繁

襄二十六年衛侯獻公入大夫逆於竟者執其手而
與之言道逆者自車揖之逆於門者領之而已公至
使讓大叔文子曰寡人淹恤在外二三子皆使寡人
朝夕聞衛國之言吾子獨不在寡人古人有言曰非

所怨勿怨寡人怨矣

莊十四年鄭厲公入遂殺傅瑕使謂原繁曰傅瑕貳周有常刑既伏其罪矣納我而無二心者吾皆許之上大夫之事吾願與伯父圖之原繁且寡人出伯父無裏言入又不念寡人寡人憾焉

賜不幸中 竈亦多言

定十五年邾隱公來朝子貢觀焉邾子執玉高其容仰定公受玉卑其容俯子貢曰以禮觀之二君者皆有死亡焉夏五月壬申定公薨仲尼曰賜不幸言而中是使賜多言者也

昭十八年宋衛陳鄭皆火鄭裨竈曰不用吾言鄭又

將火鄭人請用之子產不可子大叔曰寶以保民也若有火國幾亡可以救也子何愛焉子產曰天道遠人道邇非所及也何以知之竈焉知天道是亦多言矣豈不或信遂不與亦不復火前年裨竈欲用權范乘婦輦 盈載媵藩

襄二十三年樂王鮒侍坐於范宣子或告曰欒氏至矣宣子懼桓子曰奉君以走固宮必無害也公晉平

有姻喪王鮒使宣子墨緘冒經二婦人輦以如公奉

公以如固宮

同年晉將嫁女于吳齊侯使析歸父媵之以藩載欒盈及其士納諸曲沃

邾執玉高 晉受瑞情

定十五年見賜不幸中中

下卷三十八乘

僖十一年天王使召武公內史過賜晉侯命受玉情
過歸告王曰晉侯其無後乎王賜之命而情於受瑞
先自棄也已其何繼之有禮國之幹也敬禮之興也
不敬則禮不行禮不行則上下昏何以長世

桓日官失 哀司歷過

桓十七年冬十月朔日有食之不書日官失之也天
子有日官諸侯有日御日官居卿以底日禮也日御
不失日以授百官于朝
哀十二年冬十二月螽季孫問諸仲尼仲尼曰丘聞

之火伏而後蟄者畢今火猶西流司歷過也

火伏在今十月

猶西流知是九月歷官失一閏

子猶受幣 無極取貨

昭二十六年夏齊侯將納公

昭公前年孫于齊

命無受魯貨

申豐從女賈以幣錦二兩縛一如填適齊師謂子猶
之人高齋能貨子猶為高氏後粟五千庾高齋以錦
示子猶子猶欲之齋曰魯人買之百兩一布以道之
不通先入幣財子猶受之

昭二十一年蔡侯朱出奔楚費無極取貨于東國
悼蔡公而謂蔡人曰朱不用命於楚君王將立東國若不
相從王欲楚必圍蔡蔡人懼出朱而立東國

趙言可弔 吉稱將賀

昭八年叔弓如晉賀虎祁也賀宮成游吉相鄭伯以如

晉亦賀虎祁也史趙見子大叔曰甚哉其相蒙也可

弔也而又賀之子大叔曰若何弔也其非唯我賀將

天下實賀

吳木楚革 鄭車戎徒

定四年冬蔡侯吳子唐侯伐楚舍舟于淮汭自豫章

與楚夾漢武城黑謂子常曰吳用木也我用革也不

可久也不如速戰

隱九年北戎侵鄭鄭伯禦之患戎師曰彼徒我車懼

其侵軼我也軼突也

僖四卜郊 昭再書雩

僖三十一年夏四月魯四卜郊不從乃免牲非禮也

猶三望亦非禮也禮不卜常祀而卜其牲曰牛卜曰

曰牲牲成而卜郊上怠慢也望郊之細也不郊亦無

望可也

昭二十五年經七月上辛大雩季辛又雩傳秋書再

雩旱甚也

烏枝用劔 魏舒毀車

昭二十一年齊師宋師敗吳師于鴻口獲其二帥公

子苦錐偃州員華登帥其餘以敗宋師齊烏枝鳴曰

用少莫如齊致死齊致死莫如去備彼多兵矣請皆

用劍從之華氏北復即之

昭元年晉中行穆子敗無終及羣狄于太原崇卒也將戰魏舒曰彼徒我車所遇又阨以什共車必克因諸阨又克請皆卒自我始乃毀車以為行五乘為三伍為五陳以相離以誘之翟人笑之未陳而薄之大敗之

霄伐舊門 餘襲高魚

襄三十年見霄死羊肆中上卷五十八葉

襄二十六年齊人城邾之歲其夏齊烏餘以廩丘奔晉襲衛羊角取之遂襲魯高魚有大雨自其實入介于其庫以登其城克而取之

鄭徙主祀 魯藏象魏

昭十八年鄭火作子產使祝史徙主祀於周廟告于先君

哀三年在魯火去橐中下卷二十八葉

高固賈勇 冉猛客氣

成二年齊高固入晉師桀石以投人禽之而乘其車繫桑本焉以徇齊壘曰欲勇者賈余餘勇

定八年定公侵齊攻廩丘之郭主人焚衝或濡馬褐以救之遂毀之主人出師奔陽虎偽不見冉猛者曰猛在此必敗猛逐之顧而無繼偽顛虎曰盡客氣也燮死為福 簡囚乃幸

成十七年晉范文子士反自鄢陵使其祝宗祈死曰
君驕侈而克敵是天益其疾也難將作矣愛我者唯
祝我使我速死無及於難范氏之福也六月戊辰士
燮卒

僖十五年九月晉侯逆秦師使韓簡視師復曰師少
於我鬪士倍我公曰何故對曰出因其資入用其寵
饑食其粟三施而無報是以來也今又擊之我怠秦
奮倍猶未也公曰一夫不可狃况國乎遂使請戰曰
寡人不佞能合其衆而不能離也君若不還無所逃
命秦伯使公孫枝對曰君之未入寡人懼之入而未
定列猶吾憂也苟列定矣敢不承命韓簡退曰吾幸

而得囚

晉侯請隧 楚子問鼎

僖二十五年在晉啟南陽中上卷

宣三年楚子伐陸渾之戎遂至于雒觀兵于周疆定

王使王孫滿勞楚子楚子問鼎之大小輕重焉對曰

在德不在鼎成王定鼎于郊鄆卜世三十卜年七百

天所命也周德雖衰天命未改鼎之輕重未可問也

三國析邾七縣分祁

襄十三年夏邾亂分為三魯師救邾遂取之

昭二十八年秋晉韓宣子卒魏獻子為政分祁氏之

田以為七縣分羊舌氏之田以為三縣

商人貸施 宋鮑饋詒

文十四年齊公子商人驟施於國而多聚士盡其家貸於公有司以繼之

文十六年宋公子鮑禮於國人宋饑竭其粟而貸之
年自七十以上無不饋詒也時加羞珍異無日不數
于六卿之門國之材人無不事親自桓以下無不恤
也桓鮑之

陳桓施貧 子罕貸饑

昭三年晉與齊既成昏晏子受禮叔向從之宴相與
語叔向曰齊其何如晏子曰此季世也吾不知齊其
為陳氏矣桓子公棄其民而歸於陳氏齊舊四量陳氏

三量皆登一焉鐘乃大矣以家量貸而以公量收之
其愛之如父母而歸之如流水欲無獲民將焉辟之
襄二十九年鄭子展卒子皮即位於是鄭饑而未及
麥民病子皮以子展之命餽國人粟戶一鍾是以得
鄭國之民故罕氏常掌國政以為上卿宋司城子罕
聞之曰鄰於善民之望也宋亦饑請於平公出公粟
以貸使大夫皆貸司城氏貸而不書為大夫之無者
貸宋無飢人

鞏簡用遠 單獻任羈

定元年周鞏簡公弃其子弟而好用遠人遠人異明
年鞏氏之羣子弟賊簡公

昭七年單獻公棄親用羈冬十月辛酉襄頃之族殺
獻公而立成公羈寄客也
文尚無害 鷹猶可免

定十三年初衛公叔文子朝而請享靈公退見史鮪
而告之史鮪曰子必禍矣子富而君貪罪其及子乎
文子曰然吾不先告子是吾罪也君既許我矣其若
之何史鮪曰無害子臣可以免富而能臣必免于難
上下同之

襄十四年見欒氏甘棠中上卷七葉

師執負羈尹炮卻宛
僖二十八年晉侯圍曹三月丙午入曹數之以其不

用僖負羈而乘軒者三百人也且曰獻狀令無入僖
負羈之宮而免其族報施也魏犢顛頡怒曰勞之不
圖報於何有執僖負羈氏

昭二十七年楚卻宛直而和國人說之鄔將師為右
領與費無極比而惡之令尹子常賄而信讒無極譖
卻宛焉無極謂令尹曰吾幾禍子子惡卻宛將為子不
利甲在門矣子必無往令尹使視卻氏則有甲焉遂
令攻卻氏且執之子惡聞之遂自殺國人遂弗執也
令尹炮之

魯士傳乘 鄭御踞轉
莊九年秋魯師及齊師戰于乾時魯師敗績莊公喪

戎路傳乘而歸秦子梁子以公旗辟于下道公御及

襄二十四年晉侯使張駱輔躒致楚師求御于鄭鄭

人卜宛射犬吉二子在幄坐射犬于外既食而後食

之使御廣車而行已皆乘乘車將及楚師而後從之

乘皆踞轉而鼓琴近不告而馳之皆取冑於橐而冑

入壘皆下搏人以投收禽挾囚弗待而出皆起乘抽

弓而射既免復踞轉而鼓琴曰公孫同乘兄弟也胡

再不謀

子尾欺晉公為誣衍

昭三年晉韓起如齊逆女公孫薑為少姜之有寵也

以其子更公女而嫁公子人謂宣子子尾欺晉晉胡

受之宣子曰我欲得齊而遠其寵寵將來乎

昭二十九年魯公衍公為之生也其母偕出公衍先

生公為之母曰相與偕出請相與偕告三日公為生

其母先以告公為為兄昭公私喜於陽穀齊邑而思

於魯曰昭公在晉務人為此禍也且後生為兄其誣

也久矣乃黜之而以公衍為太子務人為也

晉返汶陽 齊歸龜陰

成二年秋七月晉師及齊國佐盟于爰婁使齊人歸魯汶陽之田

左傳卷之

卷之十

四十六

定十年定公會齊侯于祝其將盟齊人加於載書曰

齊師出竟而不以甲車三百乘從我者有如此盟孔丘使茲無還揖對曰而不反我汶陽之田吾以共命者亦如之齊人來歸鄆謹龜陰之田陽之田如用季櫓姜取穆琴

襄四年秋定妣薨不殯于廟無襯不虞匠慶謂季文子曰子為正卿而小君之喪不成不終君也君長誰受其咎初季孫為己樹六櫓於蒲圃東門之外匠慶請木季孫曰畧匠慶用蒲圃之櫓季孫不御襄二年夏齊姜薨初積姜使擇美櫓以自為襯與頌琴季文子取以葬君子曰非禮也禮無所逆婦養姑者也虧姑以成婦逆莫大焉

緩察膏肓 和辨蠱淫

成十年晉侯疾病求醫于秦秦伯使醫緩為之未至公夢疾為二豎子曰彼良醫也懼傷我焉逃之其一曰居肓之上膏之下若我何醫至曰疾不可為也在肓之上膏之下攻之不可達之不及藥不至焉不可為也公曰良醫也厚為之禮而歸之

昭元年晉侯求醫於秦秦伯使醫和視之曰疾不可為也是謂近女室疾如蠱非鬼非食惑以喪志良臣將死天命不祐趙孟曰何謂蠱對曰淫溺惑亂之所生也於文四蟲為蠱穀之飛亦為蠱在周易女惑男風落山謂之蠱皆同物也趙孟曰良醫也厚其禮而

歸之

榮叔歸賵毛伯求金

文五年前年冬魯夫人成風薨春王使榮叔來含且賵名昭公會葬禮也

文九年前年秋襄王崩春毛伯衛來求金非禮也樂鮒求貨魏子辭賄

昭元年見樂鮒求帶中上卷四十一葉

昭二十八年見閻沒置饋中上卷六十四葉

大戎小戎叔隗季隗

莊二十八年晉獻公娶于賈無子烝於齊姜生秦穆夫人及太子申生又娶二女於戎大戎狐姬生重耳

小戎子生夷吾

僖二十三年晉公子重耳之及於難也晉人伐諸蒲城遂奔狄狄人伐廐咎如獲其二女叔隗季隗納諸公子公子取季隗生伯儵叔劉以叔隗妻趙衰生盾愛何與邑惡朔授宰

襄三十一年鄭子皮欲使尹何為邑子產曰少未知可否子皮曰愿吾愛之不吾叛也使夫往而學焉夫亦愈知治矣子產曰不可人之愛人求利之也今吾子愛人則以政猶未能操刀而使割也其傷實多僑聞學而後入政未聞以政學者也若果行此必有所害子皮曰善哉

哀五年春晉圍柏人荀寅士吉射奔齊初范氏之臣
王生惡張柳朔言諸昭子使為柏人昭子為柏人宰也
子曰夫非而讐乎對曰私讐不及公好不廢過惡不
去善義之經也臣敢違之及范氏出張柳朔謂其子
爾從主勉之我將止死王生授我矣吾不可以僭之
遂死於柏人

速視贖顧 踉聽媯歎

定十四年衛侯為夫人南子召宋朝會于洮太子蒯
贖獻孟于齊過宋野聞野人歌太子羞之謂戲陽速
曰從我而朝少君少君見我我顧乃殺之速曰諾乃
朝夫人夫人見太子太子三顧速不進夫人見其色

啼而走曰蒯贖將殺余公執其手以登臺太子奔宋
盡逐其黨

昭二十四年晉士彌牟逆叔孫也媯于箕叔孫使梁其
踉待于門內曰余左顧而歎乃殺之右顧而笑乃止
叔孫見士伯士伯曰寡君以為盟主之故是以久子
不腆敝邑之禮將致諸從者使彌牟逆吾子叔孫受
禮而歸

會問殺丞 閱辭形鹽

宣十六年見武子求禮中下卷九葉
僖三十年王使周公閱來聘饗有昌歆白黑形鹽辭
曰國君文足昭也武可畏也則有備物之饗以象其

德薦五味羞嘉穀鹽虎形以獻其功吾何以堪之

莊厚共叔 桓寵秦鍼

隱元年及莊公即位姜氏為共叔段請制公曰制巖

邑也號叔死焉他邑唯命請京使居之謂之京城大

叔

昭元年秦后子有寵於桓如二君於景其母曰弗去

懼選癸卯鍼適晉其車千乘書曰秦伯之弟鍼出奔

晉罪秦伯也后子秦桓公子景公母弟鍼也

魏子不足 虞公無厭

昭二十八年見閻設置饋中上卷六十四葉

桓十年初虞叔有玉虞公求旃弗獻既而悔之曰周

諺有之匹夫無罪懷璧其罪吾焉用此其以賈害也

乃獻之又求其寶劍叔曰是無厭也無厭將及我遂

伐虞公故虞公出奔共池

秦師夜遁 午衆宵燿

文十二年秦為令狐之役故冬秦伯伐晉秦行人夜

戒晉師曰兩君之士皆未慙也明日請相見也史駢

曰使者目動而言肆懼我也將遁矣薄諸河必敗之

晉申趙穿當軍門呼曰死傷未收而棄不惠也不待

期而薄人於險無勇也乃止秦師夜遁復侵晉入瑕

定十年衛侯伐邯鄲午於寒氏城其西北而守之宵

燿午衆宵散

衛食至肝 齊飲繼夜

襄十四年見衛獻皮冠中

上卷十七乘

莊二十二年陳公子完與顓孫奔齊齊侯使敬仲為

卿辭使為干正飲桓公酒樂公曰以火繼之辭曰臣

卜其晝未卜其夜不敢君子曰酒以成禮不繼以淫

義也以君成禮弗納於淫仁也

敬仲公子完

天震夷廟 人火宣榭

僖十五年震夷伯之廟罪之也於是展氏有隱隱焉

夷伯魯大夫展氏之祖父也

宣十六年夏成周宣榭火人火之也凡火人火曰火

天火曰災

具車執餘 負甲襲鼓

襄二十七年春晉胥梁帶使諸喪邑者具車徒以受

地必周使烏餘具車徒以受封烏餘以其衆出使諸

侯偽效烏餘之封者而遂執之盡獲之皆取其邑而

歸諸侯諸侯是以睦於晉

昭二十二年晉之取鼓也既獻而反鼓子焉又叛於

鮮虞六月荀吳畧東陽使師偽糶者負甲以息於昔

陽之門外遂襲鼓滅之以鼓子鳶鞮歸使涉佗守之

孫子巢燕 齊侯穴鼠

襄二十九年吳公子札出聘也通嗣君也自衛如晉

將宿於戚戚孫文之邑聞鐘聲焉曰異哉吾聞之也辯而

不德必加於戮夫子獲罪於君以在此懼猶不足而
又何樂夫子之在此也猶燕之巢于幕上君又在殯
而可以樂乎遂去之文子聞之終身不聽琴瑟

襄二十三年齊侯將為臧紇田臧孫聞之見齊侯與
之言伐晉對曰多則多矣抑君似鼠夫鼠晝伏夜動
不穴於寢廟畏人故也今君聞晉之亂而後作焉起
也寧將事之非鼠如何乃弗與田

崔杼兼室 衛疾二妻

襄十九年秋八月齊崔杼殺高厚於灑藍而兼其室

哀十一年見遺室孔姑中下卷三

晉軍夾泚 楚師背鄆

僖三十三年晉陽處父侵蔡楚子上救之與晉師夾
泚而軍陽子患之

僖二十八年見輿誦疑晉中上卷八

檜動奔衛 旗靡逐齊

桓五年秋王以諸侯伐鄭鄭伯禦之為魚麗之陳先
偏後伍伍承彌縫戰于緡葛命二拒曰檜動而鼓蔡
衛陳皆奔王卒亂鄭師合以攻之王卒大敗祝聃射
王中肩王亦能軍祝聃請從之公曰君子不欲多上
况敢陵天子乎苟自救也社稷無隕多矣鄭子元為

莊十年齊師伐魯莊公將戰曹劌乃入見曰可以一
戰戰則請從公與之乘戰于長勺公將鼓之劌曰未

可齊三鼓劇曰可矣齊師敗績公將馳之劇曰未可
下視其轍登軾而望之曰可矣遂逐齊師既克公問
其故對曰夫戰勇氣也一鼓作氣再而衰三而竭彼
竭我盈故克之夫大國難測也懼有伏焉吾視其轍
亂望其旗靡故逐之

吳居甬東 越保會稽

哀二十二年越滅吳請使吳王居甬東辭曰孤老矣
焉能事君乃縊越人以歸

哀元年見教訓霸越中上卷十
三葉

魯繹去籥 晉飲徹酒

宣八年經六月辛巳魯有事于太廟仲遂卒于垂壬

午猶繹萬入去籥傳襄仲卒而繹非禮也

昭九年晉荀盈如齊逆女還六月卒于戲陽殯于絳
未葬晉侯飲酒樂膳宰屠蒯趨入請佐公使尊許之
而遂酌以飲工曰女為君耳將司聰也辰在子卯謂
之疾曰君徹宴樂學人舍業為疾故也君之卿佐是
謂股肱股肱或虧何痛如之女弗聞而樂是不聰也
又飲外嬖嬖叔曰女為君目將司明也服以旌禮禮
以行事事有其物物有其容今君之容非其物也而
女不見是不明也亦自飲也曰味以行氣氣以實志
志以定言言以出令臣實司味二御失官而君弗命
臣之罪也公說徹酒

昭萬二人襄射三耦

昭二十五年魯季郈之雞鬪季子介其雞郈氏為之
金距季平子郈昭伯平子怒益宮於郈氏且讓之故郈昭伯
亦怨平子臧昭伯之從弟會為讒於臧氏而逃於季
氏臧氏執旃平子怒拘臧氏老將禘於襄公萬者二
人其眾萬於季氏臧孫曰此之謂不能庸先君之廟
大夫遂怨平子

襄二十九年晉范獻子來聘拜城祀也襄公享之展
莊叔執幣射者三耦公臣不足取於家臣

虞下嬰妻陳舍賈母

襄二十五年見嬰馬得死中下卷十九乘

同年鄭子展子產帥車七百乘伐陳宵突陳城遂入
之陳侯扶其大子偃師奔墓遇司馬桓子曰載余曰
將巡城遇賈獲載其母妻下之而授公車公曰舍而
母辭曰不祥與其妻扶其母以奔墓亦免

晉猶瘠牛吳磬瘕狗

昭十三年邾人莒人愬于晉曰魯朝夕伐我幾亡矣
我之不共魯故之以晉侯不見公使叔向來辭子服
惠伯對曰君信蠻夷之訴以絕兄弟之國棄周公之
後亦唯君寡君聞命矣叔向曰寡君有甲車四千乘在
雖以無道行之必可畏也况其率道其何敵之有牛
雖瘠償於豚上其畏不死若奉晉之眾用諸侯之師

因邾莒杞鄆之怒以討魯罪聞其二憂何求而不克魯人懼聽命

哀十二年吳徵會於衛初衛人殺吳行人且姚而懼

謀於行人子羽子羽衛大夫子羽曰吳方無道無乃辱吾

君不如止也子木曰又衛大夫吳方無道國無道必棄疾

於人吳雖無道猶足以患衛往也長木之斃無不標

也國狗之瘞無不噬也而况大國乎

二卿相惡三帥專行

成十六年見楚師六間中上卷十九兼

宣十二年楚子北師次於郟聞晉師既濟王欲還嬖

人伍參言於王曰晉之從政者新未能行令其佐先

穀剛愎不仁未肯用命其三帥者專行不獲聽而無

上衆誰適從此行也晉師必敗且君而逃臣若社稷

何

姜構急子 姬譖申生

桓十六年衛宣公烝於夷姜生急子屬諸右公子為

之娶於齊而美公取之生壽及朔屬壽於左公子夷

姜縊宣姜與公子朔構急子公使諸齊使盜待諸莘

將殺之急子至殺之

僖四年晉獻公以驪姬為夫人生奚齊其娣生卓子

及將立奚齊既與中大夫成謀姬謂太子申曰君夢

齊姜必速祭之太子祭于曲沃歸胙于公公田姬寘

諸宮六日公至毒而獻之公祭之地地墳與犬斃
與小臣小臣亦斃姬泣曰賊由太子太子奔新城
晉復林父 秦用孟明

宣十二年秋晉師歸桓子荀林父請死晉侯欲許之士
貞子諫曰不可城濮之役晉師三日穀文公猶有憂色
左右曰有喜而憂如有憂而喜乎公曰得臣子猶在
憂未歇也困獸猶鬪況國相乎及楚殺子玉公喜而
後可知也曰莫余毒也已晉再克而楚再敗也楚
是以再世不競今天或者大警晉也而又殺林父以
重楚勝其無乃久不競乎林父之事君也進思盡忠
退思補過社稷之衛也若之何殺之夫其敗也如日

月之食焉何損於明晉侯使復其位

文三年秦伯伐晉濟河焚舟取王官及郊晉人不出
遂自茅津濟封穀尸而還遂霸西戎用孟明也百里孟明
視君子是以知秦穆公之為君也舉人之周也與人
之壹也孟明之臣也其不解也能懼思也子桑之忠
也其知人也能舉善也詩曰于以采蘩于沼于沚于
以用之夙夜匪解以事一人孟明有焉詒厥孫謀以
燕翼子子桑有焉子桑公孫枝舉孟明者

泉宮蛇妖 文樞牛聲

文十六年有蛇自泉宮出入于國如先君之數秋八
月聲姜薨毀泉臺聲姜魯僖公夫人文公母

僖三十二年冬晉文公卒將殯于曲沃出絳柩有聲如牛卜偃使大夫拜曰君命大事將有西師過軼我擊之必大捷焉穆公訪諸蹇叔蹇叔曰勞師以襲遠非所聞也師勞力竭遠主備之無乃不可乎師知所為鄭必知之勤而無所必有悖心且行千里其誰不知公辭焉

隱會老桃桓盟北杏

隱十年六月隱公會齊侯鄭伯于老桃老桃宋地莊十三年春會于北杏以平宋亂北杏齊地宋有弒君之亂齊桓欲脩霸業也秦使目動晉客容猛

文十二年見秦師夜遁中下卷五

昭十七年晉侯使屠蒯如周請有事於雒與三塗萇公謂劉子曰客容猛非祭也其伐我乎陸渾氏甚睦於楚必是故也君其備之乃警戎備

晉霸遂失齊人始貳

定四年晉荀寅求貨於蔡侯弗得晉人假羽旄於鄭鄭人與之明日或旆以會晉於是乎失諸侯

襄十四年范宣子假羽毛於齊而弗歸齊人始貳夷吾無禮晉景不義

僖十年晉侯改葬共太子申秋狐突適下國遇太子太子使登僕而告之曰夷吾惠無禮余得請於帝矣

將以晉界秦秦將祀余對曰臣聞之神不歆非類民
不祀非族君祀無乃殄乎且民何罪失刑之祀君其
圖之君曰諾吾將復請七日新城西偏將有巫者而
見我焉許之遂不見及期而往告之曰帝許我罰有
罪矣故於韓

成十年見晉厲踊地中下卷二
十四葉

晉傳及絳 魯析聞邾

定十三年齊侯衛侯次于垂葭實鄆氏使師伐晉將
濟河諸大夫皆曰不可邴意茲齊大夫曰可銳師伐河
內傳必數日而後及絳絳不三月不能出河則我既
濟水矣乃伐河內

哀七年魯伐邾及范門猶聞鐘聲大夫諫不聽茅成
子邾大夫請告于吳不許曰魯擊柝聞于邾吳二千里
不三月不至何及於我且國內豈不足成子以茅叛
師遂入邾

紡麻報莒 漚管導吳

昭十九年秋齊高發帥師伐莒莒子奔紀鄆初莒有
婦人莒子殺其夫已為嫠婦及老託於紀鄆紡焉以
度而去之及師至則投諸外或獻諸子占子占使師
夜緝而登登者六十人緝絕師鼓譟城上之人亦譟
莒共公懼啓西門出
哀八年三月吳伐魯子洩率故道險從武城初武城

人或有因於吳竟田焉拘鄆人之漚管者曰何故使
吾水滋及兵師至拘者道之以伐武城克之

佩裘止蔡寶劍奔虞

定三年蔡昭侯為兩佩與兩裘以如楚獻一佩一裘
於昭王昭王服之以享蔡侯蔡侯亦服其一子常欲
之弗與三年止之

桓十年見虞公無厭中下卷五
十葉

衛子婦人武叔丈夫

哀二年晉鄭戰于鐵郵無恤御簡子衛太子為右無郵
良也登鐵上望見鄭師眾太子懼自投於車下子良
授太子綏而乘之曰婦人也言其怯

哀十一年春齊伐魯及清季孫使冉求從於朝侯於
黨氏之溝武叔呼而問戰焉對曰君子有遠慮小人
何知懿子強問之對曰小人慮材而言量力而共者
也武叔曰是謂我不成丈夫也退而蒐乘

子元魚麗鄭翩鸛陣

桓五年見旂動奔衛中下卷五
十二葉

昭二十一年宋公子城以晉師至曹翰胡會晉荀吳
齊苑何忌衛公子朝救宋與華氏戰赭丘鄭翩華氏
黨
願為鸛其御願為鸛鸛皆
陣名

絞小寡謀戎輕務進

桓十二年楚伐絞軍其南門莫敖屈瑕曰絞小而輕

輕則寡謀請無扞采樵者以誘之從之絞人獲三十人明日絞人爭出驅楚役徒於山中楚人坐其北門而覆諸山下大敗之為城下之盟而還

隱九年北戎侵鄭鄭伯禦之患戎師曰彼徒我車懼其侵軼我也公子突曰使勇而無剛者嘗寇而速去之君為三覆以待之戎輕而不整貪而無親勝不相讓敗不相救先者見獲必務進進而遇覆必速奔後者不救則無繼矣乃可以逞從之戎師大奔

文不告朔 襄再失閏

文六年閏月不告朔非禮也閏以正時時以作事事以厚生生民之道於是乎在矣不告閏朔棄時政也

何以為民

襄二十七年十一月乙亥日有食之辰在申司歷過也再失閏矣

員言報楚王豹請伐晉

定四年見申能興楚中

下卷三十七葉

僖十三年冬晉荐饑使乞糴于秦平鄭之子豹在秦請伐晉秦伯曰其君是惡其民何罪秦於是乎輸粟于晉自雍及絳相繼命之曰汎舟之役

屯蔡九日城沂三旬

哀元年楚子圍蔡報柏舉也里而裁廣丈高倍夫屯晝夜九日

宣十一年令尹為艾獵城沂艾獵孫叔敖使封人慮事以

授司徒量功命日分財用平板榦稱番築程土物議

遠適畧基趾具餼糧度有司事三旬而成不愆于素

昭使望氛僖命書雲

昭二十年春王二月己丑日南至梓慎望氛魯侯使梓慎望

氛曰今茲宋有亂國幾亡三年而後弭蔡有大喪叔

孫昭子曰然則戴桓也汰侈無禮已甚亂所在也

僖五年春王正月辛亥朔日南至僖公既視朔遂登

觀臺以望而書禮也凡分至啓閉必書雲物為備故

也

子西掩面 司馬藏身

哀十六年楚白公太子建子荊勝遂作亂秋七月殺子西子

期于朝而劫惠王子西以袂掩面而死子期曰昔者

吾以力事君不可以弗終扶豫章以殺人而後死

定四年楚師亂左司馬戍還敗吳師于雍澨傷初司

馬臣闔廬故耻為禽焉謂其臣曰誰能免吾首吳句

卑曰臣賤可乎司馬曰我實失子可哉三戰皆傷曰

吾不可用也已句卑布裳剄而裹之藏其身而以其

首免

曹彊獻雁 鉏商獲麟

哀七年及曹伯陽即位好田弋曹鄙人公孫彊好弋

獲白雁獻之且言田弋之說說之因訪政事大說之

有寵

哀十四年春西狩於大野叔孫氏之車子鉏商獲麟以為不祥以賜虞人仲尼觀之曰麟也然後取之野大

左氏傳蒙求卷下終

文化八歲辛未季開彫

樋口邦古藏梓

大坂心齋橋南

敦賀屋九兵衛

同博勞町

勝尾屋六兵衛

發行書肆

名古屋玉屋町

永樂屋東四郎



